



**Future-proofing  
our children**

**Tlhomamiso 2**

**Setlhogo: Moagedi wa lefatshe – Moagedi wa Legodimo**

**Mokaedi wa batsadi**  
Sekolo sa Tshipi ithutelo lapeng



## Go motsadi

O amogelesegile mo **Moagedi wa lefatshe – Moagedi wa legodimo** thuto ya tlhomamiso 2.

Mokwalo o o go fa thutuntsho e potlana gore o ka ruta jang thuto e.

O ka ipaakanya le go ruta thuto e jang

Fa tlase ke maele a go ipaakanya le go ruta thuto e:

Kgato	Tiriso
1	<p>Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp</p> <p><a href="https://bit.ly/3NACSSHS">https://bit.ly/3NACSSHS</a></p>
2	<p>Kgobokanya di dirisiwa tse di latelang go netefatsa fa o ipaakanyeditse thuto e:</p> <ul style="list-style-type: none"> <li>• Baebele</li> <li>• Mokwalo wa thuto wa PDF o o setseng o baakantswe.</li> <li>• Pena le lekwalo la ngwana, etc.</li> <li>• Setshwantsho sa motshikhinyego se se leng thuso e nngwe</li> <li>• Katakasima le Dipotso le dikgarabo (bogolo jang mo batlhomamisiweng)</li> </ul> <p><b>Ela tlhoko:</b></p> <p>2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tsewedisa lenaneo.</p> <p>2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45</i> .</p> <p>2.3: Thuto e lebaganye (Batlhomamisiwa 1).</p> <p>2.4: O ka kopa thuso mo morutabana wa gago wa batlhomamisiwa fa o tlhoka thuso.</p>
3	<p>Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.</p>



## Go ruta thuto ya batlhomamisiwa mo lapeng

O ka ipaakanya le go ruta thuto e jang

Re tswelera ka go abalana maele a go ipaakanya le go ruta thuto e

Kgato	Tiriso
4	Dira seemo se se siameng, se se senang dikgoreletsi se wena le bana/ngwana le leng fa go tshwanang. <b>Sekai:</b> Nnang mo tafoleng.
5	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka.
6	Kwala dintlha tse o batlang go di gakologelwa.
7	Tlhaloganya maikaelelo a thuto a e leng gore ngwana wa gago o tshwanetse go a gakologelwa.
8	Ruta ngwana wa gago thuto.
9	Supegetsa ngwana wa gago setshwantso sa motshikinyego mme o soboke molaetsa.
10	Laela ngwana go dira tekeletso e mo lokwalong la gagwe la ikatiso (Le nna ke batla go.....)
11	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa 1.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng



4. Itshwaraaganye le mogokaganyi wa sekolo sa tshipi kana morutabana wa Batlhomamisiwa 1 go go fa kitso e nngwe.

## Thuto

### Setlhogo

Moagedi wa lefatshe – Moagedi wa Legodimo

### Maikaelelo a thuto

Jaaka baagedi ba lefatshe batlhomamisiwa ba lwela go tshela botshelo jo bo itumedisang Modimo.

Temana tsa Baebela: Daniel 3: 1-18; Mark 12: 30-31;  
Acts 5: 29; Luke 12: 32; 2 Timothy 1: 7;  
Romans 8:15

### Tshoboko ya thuto:

- Mo go Daniele 3:1-18 re bala ka Shadrach, Meshach and Abed-nego.
- E ne ele banna b aba bothokwa ko Babelona.
- E ne e le banna ba ba obamelang molao, mme ba gana go obamela molao o le mongwe; Gore ba obamele sehikantswe sa ga kgosi Nebukadanasa.
- Ka ba ne bana le poifo Modimo ba ne ba sa battle go ikgatlolosa molao wa Modimo.
  
- Mafatshe otlhe a na le melao mme e thusa go dira ledula mo lefatsheng.
- Re le bana ba Modimo le rona re obamela melao ya lefatshe.
  
- Mme re itse gore go na le melao ya Modimo.
- E e akaretsa melao e lesome le molao wa lorato (Mareko 12: 30-31).
  
- Melao e lesome le molao wa lerato ga e a direlwa go re kgoreletsa.
- E diretswe go re thusa go tshela mmogo, go nna Tshogofatso le go dira gore re tshwanelwe ke botshelo jo bo sa khutleng.
  
- Jaaka Shadrach, Meshach le Abed-nego re tshwanetse go obamela melao ya Modimo thata go feta le ya batho.
- Mo Apostolo Petere le Johane ba ne ba rera ka ga Jeso le fa ba ne ba kganelwa go dira jalo ke ba molao wa Iseraela. Bane ba tlhompha taolo e ba e filweng ke Jeso go gaisa e ba neng ba e fiwa ke babusi ba lefatshe.
  
- Ga re a tshwanela go boifa sepe fa re obamela Modimo gona le motho.
- Modimo ke mothati yotlhe, o tla re babalela fela jaaka a ne a babalela Shadrach, Meshach le Abed-nego mo molelong fa ba sena go gana go obamela kgosi Nebuchadnezzar.
  
- Melao le dithuto tse di sa itumedising Modimo ga di a tshwanela go re kganela go:
  - Diragatsa melao ya Modimo;



- Go dumela mo Modimong le morwae Jeso Keresete;
- Go rata Modimo le moagisane wa rona;
- Go rapela Modimo le,
- Go leka ka bojotle go tshwana le mmoloki wa rona Jeso Keresete.

### Thuto e e raya eng mo go rona tsatsi jeno?

- Thuto ya gompiano e re ruta gore re le bana ba Modimo re tshwanetse go obamela molao wa lefatshe
- Le fa go ntse jalo re tshwanetse ra tlotla thata Molao wa Modimo gona le wa motho.
- Go kwadilwe jalo mo maikanong a bolesome a rona a tumelo: Ke dumela gore ke tshwanetse go obamela melao ya lefatshe, fela fa e le gore ga e kgatlhanong le ya Modimo.

### Dipotso tse re ka di botsang:

1. Shadrach, Meshach le Abed-nego e ne e le bo mang?

**Karabo:** E ne e le banna ba botlhokwa ko Babylon ba ba neng ba tlotla molao wa Modimo thata bogolo go wa ga kgosi Nebuchadnezzar.

2. Jaaka ban aba Modimo, A re tshwanetse go obamela molao wa lefatshe?

**Karabo:** Ee. Go botlhokwa gore re nne batho baba obamelang molao wa lefatshe.

3. A re ka itlhokomolosa molao wa Modimo gore re diragatse wa lefatshe?

**Karabo:** Nnyaa. Le fa re le batho baba obamelang molao, molao wa Modimo o botlhokwa go gaisa.






**Thapelo ya ga Rre le Mme le pele ga thuto:**

*Modimo o rategang, ke lebogela letsasti le  
Segofatsa batsadi le bana botlhe  
Mma re ikutlwele boleng teng jwa gago  
Segofatsa thuto e re yang go e amogela  
Re kopa o re rute go go direla  
Re thuse go dira thato ya gago  
Gore re golele gaufi le wena  
Romela Jeso go tla go re tsaya  
Mme re bo re ipaakanyeditse go mo kgatlhantsha  
Amen*

